



Tâi-oân Lô-má-jī Hiap-hōe Chhut-pán Pó-chō Pān-hoat

2015.9.15 Lí-kàm-sū bāng-lō hōe-gī thong-kòe

1. Chit-ê pān-hoat sī kun-kù Tâi-oân Lô-má-jī Hiap-hōe (ē-bīn kán-chheng TLH) chiong-thêng tē 1 tiâu, tē 2 tiâu kap tē 5 tiâu lâi chhè-tēng.
2. Chok-chiá, êk-chiá, iáh-sī chhut-pán-chiá tiòh-ài sī TLH iú-hāu hōe-oân (bô khiàm hōe-hùi, bô hông thêng-koân) chiah ū chu-keh lâi sin-chhéng chhut-pán pó-chō.
3. Chhut-pán-phín tiòh-ài tùi Tâi-oân gí-bûn iáh-sī Tâi-oân thoân-thóng Pêh-ōe-jī (kán-chheng Tâi-oân-jī) ê kàu-hák, gián-kiù iáh-sī chhui-kóng ū pang-chān.
4. Pó-chō ê sūn-sī: choân-pō iōng Tâi-oân-jī su-siá ê iu-sian, koh-lâi sī Hàn-Lô iáh-sī gōa-bûn su-siá ê chhut-pán-phín. Choân-pō iōng Hàn-jī su-siá--ê bô beh pó-chō.
5. Pó-chō kim-giáh 2 bān Tâi-phiò í-lâi (hâm) lí-sū-tiúⁿ chhâi-koat. Nā chhiau-kòe 2 bān, lí-sū-hōe chhâi-koat. Múi chit kiáⁿ pó-chō -hùi siōng-chē 5 bān. Nā TLH ka-tī chhut ê chheh bô hān-chè. Chia-ê hōe-gī ē-sái bāng-lō /thong-sìn pān-lí.
6. Tit-tiòh pó-chō ê chhut-pán-phín ài tī sek-tong ê só-chāi khng TLH logo koh chù-bêng “ū TLH pó-chō”.
7. Múi 1 ūi hōe-oân múi nī siōng-ke ē-sái sin-chhéng 1 kiáⁿ chhut-pán-phín.
8. Chhut-pán liáu sin-chhéng-chiá ài bián-hùi thê-kiong it-tēng pí-lē ê sêng-phín hō TLH. Kū-thé ê sò-liōng tī chhâi-koat pó-chō ê sí ē thong-ti. TLH thèh tiòh chheh liáu chiah hoat pó-chō-khoán.
9. Múi nī pó-chō chhut-pán ê chóng keng-hùi bē-sái chhiau-kòe TLH àn-sng ê chhut-pán ki-kim.
10. Kī-tha bô kau-tài--tiòh ê sū-hāng kau TLH pì-su-chhù chhú-lí. Nā ū cheng-gī bô chheng-chhó ê só-chāi, chiah chhiáⁿ lí-sū-hōe chhâi-koat.